



Republika e Kosovës
Republika Kosova / Republic of Kosovo
Këshilli Prokurorial i Kosovës/ Tužilački Savet Kosova/ Kosovo Prosecutorial Council

Këshilli Prokurorial i Kosovës, në bazë të nenit 4. Paragrafi 1.8 të Ligjit nr. 03/L-224 për Këshillin Prokurorial të Kosovës ("Gazeta zyrtare e Republikës së Kosovës" nr. 83 publikuar me dt. 29 tetor 2010) dhe të nenit 2 paragrafi 1.29, të Ligji Nr. 05/L-035 për ndryshimin dhe plotësimin e ligjit nr. 03/L-224 për Këshillin Prokurorial të Kosovës ("Gazeta zyrtare e Republikës së Kosovës" nr. 17 publikuar me 30 qershor 2015, në mbledhjen e mbajtur me 05 nëntor 2015 miraton:

R R E G U L L O R E NR. 03/ 2015

PËR EMËRIMIN E KRYEPROKURORËVE

Neni 1

Qëllimi dhe fushëveprimi

Kjo Rregullore ka për qëllim të përcaktojë procedurën e emërimit të Kryeprokurorit të Prokurorisë Speciale të Republikës së Kosovës, Kryeprokurorit të Apelit dhe kryeprokurorëve të prokurorive themelore të Kosovës.

Neni 2

Parimet e përgjithshme

Procesi i emërimit të kryeprokurorëve të prokurorive përkatëse duhet të jetë i hapur, transparent, në përputhje me parimet e konkurrencës, objektivitetit, paanshmërisë, barazisë gjinore dhe shumëetnicitetit.

Neni 3

Përkufizimet

Shprehjet e përdorura në këtë Rregullore kanë këtë kuptim:

"KPK" Këshillin Prokurorial të Kosovës;

"ZKPSH" Zyra e Kryeprokurorit të Shtetit;

"LKPK"	Ligji për Këshillin Prokurorial të Kosovës;
"KPSH"	Kryeprokurori i Shtetit;
"PSRK"	Prokurorinë Speciale të Republikës së Kosovës;
"PA"	Prokurorinë e Apelit;
"PTH"	Prokurorinë Themelore.
"KVPP"	Komisioni për vlerësimin e përformancës së prokuroreve.
"ZPD"	Zyra e Prokurorit Disiplinor

Neni 4

Mos-përputhja me ushtrimin e detyrës së Kryeprokurorit

Kryeprokurorët e prokurorive përkatëse nuk mund të ushtrojnë njëkohësisht edhe detyrën e anëtarit të Këshillit Prokurorial të Kosovës.

Neni 5

Kriteret e përgjithshme për emërimin e kryeprokurorëve

5.1 Kandidati për kryeprokurorë duhet të plotësojë kriteret e përgjithshme si në vijim:

- 5.1.1 Të jetë prokuror me mandat të përhershëm;
- 5.1.2 Të mos ketë të ngritur aktakuzë apo të mos jetë i dënuar për veprë penale, me përjashtim të kundërvajtjes;
- 5.1.3 Të ketë vlerësim pozitiv të përformancës nga ana e eprorit për tre vitet e fundit;
- 5.1.4 Vlerësimin pozitiv të përformancës nga ana e KVPP për kandidatin;
- 5.1.5 Të ketë reputacion të lartë profesional dhe integritet moral.

Neni 6

Kriteret e veçanta për emërimin e kryeprokurorëve

6.1 Kandidati për kryeprokuror duhet të plotësojë kriteret si në vijim:

- 6.1.1 Për Kryeprokuror të PSRK-së kandidatët duhet të kenë së paku 6 (gjashtë) vite përvojë pune si prokuror, nga të cilat 4 (katër) vite si prokuror në Departamentin për Krime të Rënda në Prokurorinë Themelore;
- 6.1.2 Kryeprokurori i PSRK-së emërohet nga radhët e prokurorëve të kësaj prokurorie.

6.1.3 Për Kryeprokuror të Prokurorisë së Apelit kandidatët duhet të kenë së paku 5 (pesë) vite përvojë si prokuror, nga të cilat 3 (tre) vite si prokuror në Departamentin për të Mitur ose në Departamentin për Krime të Rënda të Prokurorisë Themelore ose në Prokurorinë Speciale të Republikës së Kosovës.

6.1.4 Për Kryeprokuror të Prokurorisë Themelore kandidatët duhet të kenë së paku 4 (katër) vite përvojë si prokuror.

Neni 7

Shpallja e konkursit për kryeprokurorë

7.1 KPK shpall konkurs për emërimin e kryeprokurorëve në të gjitha nivelet e prokurorive së paku 3 (tre) muaj para skadimit të mandatit të kryeprokurorëve të prokurorive përkatëse.

7.2 Në rastet kur pozita e kryeprokurorit mbetet e lirë para skadimit të mandatit të rregullt, konkursi do të hapet sa më parë që është e mundur.

7.3 KPK merr vendim për shpalljen e konkursit. Konkursi përmban kriteret për emërimin e kryeprokurorëve të prokurorive përkatëse të parapara me ligj, përfshirë udhëzimin për aplikim për kryeprokurorë.

7.4 Vendimi dhe shpallja e konkursit publikohet në faqen e internetit të KPK-së dhe PSH në dy gjuhët zyrtare (Shqipe dhe Serbe) dhe fizikisht në të gjitha ndërtesat ku janë të vendosura prokuroritë përkatëse.

7.5 Konkursi do të jetë i hapur për 15 (pesëmbëdhjetë) ditë nga dita e shpalljes.

Neni 8

Aplikacioni

8.1 Kandidatët e interesuar për kryeprokuror, duhet të plotësojnë aplikacionin e publikuar në faqen zyrtare të internetit të KPK-së dhe PSH-së.

8.2 Aplikacioni do të jetë pjesë integrale e kësaj Rregullore.

8.3 Kandidatët përveç aplikacionit do të ofrojnë edhe një autobiografi (CV) dhe një Koncept dokument për menaxhimin e prokurorisë. Forma e Koncept dokumentit do të jetë pjesë integrale e kësaj rregullore.

Neni 9

Komisioni për shqyrtimin e aplikacioneve për kryeprokurorë

9.1 KPK pas mbylljes së konkursit, themelon Komisionin për shqyrtimin e aplikacioneve për kryeprokurorë.

9.2 Komisioni përbëhet nga 3 (tre) anëtarë me përbërjen si në vijim:

- Kryeprokurori i Shtetit – Kryetar i Komisionit,
- Një prokuror nga ZKPSH, dhe
- Një anëtar nga KPK.

9.3 Komisioni me rastin e vlerësimit të kandidatit, kërkon nga Sekretariati të dhëna si në vijim:

9.3.1 Vlerësimin e përformancës nga ana e eprorit për kandidatin për 3 (tre) vitet e fundit;

9.3.2 Te dhënat nga NJSHPP për përformancën e kandidatit;

9.3.3 Masat eventuale të propozuara nga ZPD apo nga Komisioni Disiplinor i KPK-së; dhe

9.3.4 Informacione të tjera nga burimet relevante.

9.4 Komisioni me rastin e vlerësimit të kandidatëve do të merr në konsideratë trajnimin e specializuar menaxherial apo përvojën menaxheriale të kandidatit.

9.5 Komisioni pas vlerësimit të aplikacioneve, kritereve sipas nenit , 5 ,6 dhe 9 të kësaj Rregullore dhe koncept dokumenteve të kandidatëve për menaxhimin e prokurorisë përkatëse, përpilon listën e kandidatëve të cilët i plotësojnë kriteret e kërkuara për emërim si kryeprokuror.

9.6 Komisioni i njofton me shkrim kandidatet të cilët nuk i plotësojnë kriteret e caktuara me ligj.

9.7 Sekretariati i KPK-së e bënë mbështetjen administrative të procesit për emërim të kryeprokurorëve.

Neni 10

Emërimi i kryeprokurorëve nga KPK

10.1 Pas vlerësimit të kandidatëve, Kryetari në emër të Komisionit i rekomandon KPK-së kandidatin për kryeprokuror të prokurorisë përkatëse. Rekomandimi do të

përmbajë të gjitha informatat relevante rreth procesit të vlerësimit të kandidatëve, bashkë me arsyetimin për propozim të kandidatit të caktuar.

10.2 Nëse kandidati i propozuar për kryeprokuror të prokurorisë përkatëse nuk e siguron shumicën e votave të KPK-së, atëherë KPK kërkon nga Komisioni që të propozojë kandidatin e ri nga radha e kandidatëve në listë, e nëse nuk është e mundur, kërkon të rishpallet konkursi.

10.3 KPK emëron kryeprokurorin për një periudhë katër (4) vjeçare, me mundësi vazhdimi edhe për një mandat shtesë.

10.4 Nëse një kandidat i propozuar për kryeprokuror është anëtar i KPK-së, ai nuk mund të merr pjesë në procesin e shqyrtimit dhe votimit për emërim në KPK.

Neni 11

Caktimi i zëvendës kryeprokurorëve dhe udhëheqësve të departamenteve

11.1 Kryeprokurori i prokurorisë përkatëse cakton zëvendësin e tij nga radhët e prokurorëve të asaj prokurorie, i cili në mungesë të kryeprokurorit e zëvendëson atë.

11.2. Në rast të pushimit të mandatit të kryeprokurorit, zëvendës kryeprokurori e ushtron detyrën e kryeprokurorit, por jo më gjatë se 3 (tre) muaj. Vendimin për caktimin e ushtruesit të detyrës e merrë KPK.

11.3 KPK me propozim të kryeprokurorit të Prokurorisë Themelore të Prishtinës dhe me pëlqimin e Kryeprokurorit të Shtetit, cakton udhëheqësit e Departamentit të Përgjithshëm, Departamentit për të Mitur dhe Departamentit për Krime të Rënda në këtë prokurori.

11.4 Me propozim të kryeprokurorit të prokurorisë përkatëse dhe me pëlqimin e Kryeprokurorit të Shtetit, KPK mund të caktojë udhëheqësit e Departamentit të Përgjithshëm, Departamentit për të Mitur dhe Departamentin për Krime të Rënda.

Neni 12

Përfundimi i parakohshëm i mandatit të kryeprokurorit

12.1 Mandati i kryeprokurorit përfundon para skadimit të rregullt bazuar në nenin 20.6 të Ligjit Nr. 03/L-224 për Këshillin Prokurorial të Kosovës dhe nenin 9 të Ligjit

Nr. 05/L-034 për ndryshimin dhe plotësimin e Ligjit Nr. 03/L-225 për Prokurorin e Shtetit, për shkaqet si në vijim:

12.1.1 dorëheqje;

12.1.2 shkarkim;

12.1.3 vdekje;

12.1.4 arritjen e moshës së pensionimit;

12.1.5 humbjen e aftësive të punës për shkaqe mjekësore të vërtetuara.

12.2 Përveç sipas paragrafit 1 të këtij neni, mandati i kryeprokurorit mund të përfundojë para kohe edhe për shkaqet në vijim:

12.2.1 Kur dënohet për vepër penale, me përjashtim të kundërvajtjes siç përkufizohet me ligj;

12.2.2 Kur dështon në përmbushjen e detyrave të përcaktuara me ligj;

12.2.3 Kur vlerësimi i përfomancës nga ana e komisionit është negativ;

12.2.4 Kur nuk i zbaton udhëzimet dhe urdhrat e Kryeprokurorit të Shtetit të dhëna me shkrim lidhur me efikasitetin në punë, unifikimin e praktikave dhe për mosnjohimin e Kryeprokurorit të Shtetit sipas udhëzimeve të dhëna nga ai.

12.2.5 Kur dështon në menaxhimin e prokurorisë të cilën e udhëheqë.

Neni 13

Procedura për përfundimin e parakohshëm të mandatit të kryeprokurorit

13.1 KPK shkarkon kryeprokurorin përkatës nëse plotësohen ndonjë nga kushtet e përcaktuara në nenin 12 të kësaj Rregullore.

13.2. Kryeprokurori i Shtetit mund të propozojë KPK-se shkarkimin e kryeprokurorit përkatës sipas kushteve të përcaktuara me nenin 12. Propozimi paraqitet në formë të shkruar me arsyetim përkatës.

13.3. Kryeprokurori për të cilin është paraqitur propozimi për shkarkim mund të ftohet për tu deklaruar para KPK-së.

13.4 Vendimin për shkarkimin e kryeprokurorit të prokurorisë përkatëse e merr KPK me shumicën e votave.

Neni 14 **Dispozitat përfundimtare**

Kjo Rregullore në përbërjen e saj ka shtojcat në vijim:

- Formularin për aplikim për pozitën e kryeprokurorit, dhe
- Formularin e Koncept dokumentit të kandidatit për kryeprokuror.

Neni 15 **Hyrja në fuqi**

Kjo Rregullore hynë në fuqi pas miratimit nga ana e Këshillit Prokurorial të Kosovës.

Prishtinë, më 05 nëntor 2015

Këshilli Prokurorial i Kosovës
Kryesues Aleksandër Lumezi



The image shows a circular official stamp of the Kosovo Prosecutorial Council (Këshilli Prokurorial i Kosovës). The stamp contains the text 'REPUBLIKA E KOSOVES' at the top, 'Këshilli Prokurorial i Kosovës' in the center, and 'Prishtinë - Prizren' at the bottom. Overlaid on the stamp is the handwritten signature of Aleksandër Lumezi, the President of the Council, in blue ink.



Republika e Kosovës
Republika Kosova / Republic of Kosovo
Këshilli Prokurorial i Kosovës / Tužilaški Savet Kosova / Kosovo Prosecutorial Council

Forma numër 1

FORMULARI PËR APLIKIM PËR POZITËN KRYPROKURORIT

Procedure e Aplikimit	
Nr. i regjistrimit	Data

1. Të dhënat personale		
Emri		Mbiemri
[] Mashkull [] Femër		
Adresa e tanishme:		
2. Informata lidhur me disa të afërt		
2.1 A është ndonjë nga të afërmit tuaj pjesëtar i KPK-ës? PO ☐ JO ☐		
2.2 A është ndonjë nga të afërmit tuaj i punësuar në KPK apo në Prokurorinë e Shtetit? PO ☐ JO ☐		
Nëse përgjigja ndaj ndonjëres nga pyetjet më lartë është "Po", atëherë jepni të dhënat si në vijim:		
Emri	Marrëdhënia	Institucioni dhe pozita
3. Antarësia në parti politike		
Deklaroj se nuk jam pjesëtar i ndonjë partie politike. PO ☐		
Nënshkrimi: _____		Data: _____
4. Ankesat ndaj jush		
Kjo pjesë ka tetë pyetje. Përgjigjuni në secilën pyetje me "PO" ose "JO". Për çdo përgjigje "PO" ofroni informacionin e kërkuar.		
4.1 A është paraqitur ndonjëherë ankesë ndaj jush në ndonjë organ disiplinor? PO ☐ JO ☐		
Data e ankesës		

Paraqitur në		Emri i ankuesit	
Përshkruaj:			
A keni qenë të informuar lidhur me paraqitjen e ankesës? PO ☐ JO ☐			
Data e njoftimit:		Njoftimi është bërë nga:	
4.2 A është zhvilluar ndonjëherë procedure hetimore ndaj jush si rezultat i ndonjë ankese? YES ☐ NO ☐			
Data e nisjes së hetimit			
Hetime u zhvilluan nga (institucioni)			
Qyteti		Shteti	
A keni qenë i njoftuar lidhur me nisjen e hetimeve? PO ☐ JO ☐			
Data e njoftimit:		Njoftimi është bërë nga:	
4.3 Si rezultat i këtij hetimi, a është rekomanduar ndonjë masë sanksionuese (p.sh. vërejtje, gjobe, punë provuese, pushim i detyrueshëm, rehabilitim, shkarkim, ulje në pozitë apo ndonjë masë tjetër sanksionuese)? PO ☐ JO ☐			
Data e rekomandimit			
Autoriteti rekomandues			
Përmbajtja e rekomandimit			
Qyteti		Shteti	
A keni qenë të informuar lidhur me rekomandimin PO ☐ JO ☐			
Data e njoftimit:		Njoftimi është bërë nga:	
4.4 Përshkruani hapat e ndërmarrë nga ana e organit përkatës në lidhje me rekomandimin:			

4.5 A ju është shqiptuar ndonjëherë masa e sanksionimit si p.sh vërejtje, gjobë, punë provuese, pushim i detyrueshëm, rehabilitim, shkarkim ose ulje në pozitë apo ndonjë lloj tjetër i sanksionimit si rezultat i rekomandimit ? PO ☐ JO ☐			
Masa sanksionuese			
Shqiptuar nga		Data e sanksionimit	
A keni qenë të informuar lidhur me masën sanksionuese? PO ☐ JO ☐			
Data e njoftimit:		Njoftimi është bërë nga:	
4.6 A është zbatuar masa disiplinore ? PO ☐ JO ☐			
Data e fillimit të zbatimit të masës sanksionuese:			
Data e përfundimit të zbatimit të masës disiplinore:			
4.7 A ju është shqiptuar ndonjëherë masa për suspendim të përkohshëm? PO ☐ JO ☐			
Kërkesa për suspendim ishte bërë nga:			
Autoriteti i ngarkuar me imponimin e masës së suspendimit		Data e vendimit	
Kohëzgjatja e suspendimit			
4.8 Jepni informata shtesë që ndërlidhën me pjesën nr. 4 të këtij formulari, për të cilat ju mendoni se janë të rëndësishme për tu adresuar gjatë procesit të shqyrtimit të aplikacionit tuaj			

5. Shkeljet penale

Kjo pjesë ka njëmbëdhjetë pyetje. Përgjigjuni në çdo pyetje me "PO" ose "JO". Për çdo përgjigje "PO" ju lutemi jepni informatat e kërkuara.			
5.1.A jeni hetuar ndonjëherë për ndonjë vepër të pandehur penale? PO ☐ JO ☐			
Data kur kanë nisur hetimet		Data kur kanë përfunduar hetimet	
Hetimet u zhvilluan nga (institucioni)			
Qyteti ku ishin zhvilluar hetimet		Shteti	
Lloji i veprës penale:			
5.2.A keni qenë ndonjëherë i arrestuar apo i dyshuar për aktivitet kriminal? PO ☐ JO ☐			
Data e arrestimit		Qyteti	Shteti
I arrestuar nga (institucioni)			
Arsyeja e arrestimit:			
5.3.A keni qenë i akuzuar ndonjëherë për vepër penale? PO ☐ JO ☐			
Data e ushtrimit të aktakuzës			
Vendi i ushtrimit të aktakuzës		Shteti	
I akuzuar për			
Përshkruani rastin shkurtimisht:			
5.4.A jeni gjykuar ndonjëherë për vepër penale? PO ☐ JO ☐			
Data e dënimit		Gjykata	
Qyteti		Shteti	
I dënuar për			

Natyra e vendimit të gjykatës (përshkruani vendimin):			
5.5. Nëse kundër vendimit të shkallës së parë është ushtruar ankesë me mjetë të rregullta juridike, ju lutemi plotësoni informacionin e kërkuar në vijim.			
Data e vendimit të shkallës së dytë		Gjykata e shkallës së dytë	
Qyteti		Shteti	
5.6 Nëse vendimi është kundërshtuar me anë të mjeteve të rregullta juridike, ju lutemi jepni të gjitha detajet?			
5.7 Nëse është shqiptuar ndonjë masë sanksionuese nga gjykata, a është zbatuar ajo? PO ☐ JO ☐			
Gjykata që bëri zbatimin		Qyteti	Shteti
5.8 A keni marrë pjesë ndonjëherë në cilësinë e paditësit apo të paditurit në gjykatë civile apo ekonomike (duke përjashtuar rastet e shkurorëzimit)? PO ☐ JO ☐			
Data e procesit gjyqësor		Gjykata	
Gjykata ku është ushtruar procedura gjyqësore		Shteti	
Përshkrimi i procesit gjyqësor:			

5.9 Nëse kundër vendimit është ushtruar ankesë me mjetë të rregullta ose të jashtëzakonshme juridike, ju lutemi jepni të gjitha detajet?			
5.10 A keni vepruar ndonjëherë në cilësinë e debitorit në ndonjë procedurë apo të kreditorit në procedurë të ekzekutimit? PO ☐ JO ☐			
Data kur është ushtruar padia për ekzekutim			
Qyteti		Shteti	
Gjykata			
Përshkrimi i padisë:			
5.11 A keni qenë ndonjëherë objekt i procedurës penale për ndonjë shkelje të vogël penale? PO ☐ JO ☐			
Institucioni që kishte nisur procedurën			
Data e nisjes së procedurës		Gjykata	
Qyteti		Shteti	
Përshkruani natyrën e vendimit të gjykatës:			

6 GJUHA PËR INTERVISTË	
Dëshiroj të intervistohem në:	
☐	Gjuhën Shqipe
☐	Gjuhën Serbe

Autorizimi për kërkimin dhe dhënien e informatave personale	
Me anë të nënshkrimit tim:	
-	Unë e autorizoj KPK-ën që të marrë informata për mua nga organet e shënuara më poshtë;
-	Unë i autorizoj organet e shënuara më poshtë që t'i ofrojnë KPK-ës informatat e mia personale
-	Këto organe janë:
-	Policia e Kosovës, Gjykatat e Kosovës dhe organet përkatëse në shtetet tjera që mbajnë shënime të hetimeve penale dhe dënimeve;
-	Njësia e Inteligjencës Financiare;
-	Agjencia kundër Korrupsionit.
Data:	Nënshkrimi:

Deklarimi dhe konfirmimi	
Me anë të nënshkrimit tim, unë deklaroj se:	
• Informatat në këtë formular aplikimi dhe në formularin për vetvlerësim si dhe informatat e përfshira në shtojcat e këtij formulari për emërim si prokuror janë të vërteta dhe të sakta, dhe janë bërë nën përgjegjësinë për deklaram të rrejshëm; • E autorizoj Këshillin Prokurorial të Kosovës për të verifikuar këto informata; • Jam i vetëdijshëm se për çdo deklaram të rrejshëm në këtë formular aplikimi unë do ta humb të drejtën emërimit si Kryeprokuror; • Jam i vetëdijshëm se për çdo deklaram të rrejshëm në këtë formular aplikimi apo formularin e vetvlerësimit, e i cili do të zbulohet pas emërimit tim si Kryeprokuror i Prokurorisë, menjëherë mund të jem objekt i procedurës disiplinore dhe të rekomandohem për shkarkim nga pozita e Kryeprokurorit.	
Data:	Nënshkrimi: _____

FORMULARI NUMËR 2
KONCEPT DOKUMENTI

Mbiemëri:	
Emri:	

- I. Përshkruani aftësinë tuaj për të planifikuar dhe organizuar punën brenda prokurorisë për të arritur rezultate pozitive.**
- II. Përshkruani aftësinë tuaj në aspektin e planifikimit dhe menagjimit të buxhetit, planifikimit të punës, hartimin dhe pregaditjen e raporteve si kreu administrativ i prokurorisë në ushtrimin sa më efikas dhe efektiv të përgjegjësive tuaja prokuroriale.**
- III. Përshkruani veprimet që do të ndërmerreni për të krijuar dhe mbajtur raporte pozitive me prokurorët e prokurorisë tuaj dhe stavin administrativ.**
- IV. Përshkruani se si planifikoni të fokusoheni në përmirësimin e vazhdueshëm të performancës, transparencës dhe në zvoglimin e numrit të lëndëve.**